


書名 成案新編二集殘七卷  
撰者 清 閔我備 輯  
卷 卷十四  
內容分類 史-政書 法令-刑案  
索書號 大木-法類-例案-9  
編號 B3851100

# 卷十四



彩色首頁1

[東洋文化研究所漢籍目錄 編號: B3851100](#)

[東洋文化研究所漢籍目錄所藏漢籍善本全文影像資料庫 索書號: 大木-法類-例案-9](#)

[漢籍善本全文影像資料庫文本成案新編二集殘七卷](#)

[版權所有/東京大學 東洋文化研究所](#)

[使用上的注意事項](#)

成案新編二集卷一

浮玉山人閔我備補籬甫輯 世姪景大綸 王甫同校

各例上

生員杖不滿百照例納贖

乾隆二十四年刑部會看得樂平縣民夏國時毆傷夏佛

身死一案據署江撫阿 疏稱夏國時與夏佛生素無

緣該族存有公眾會銀夏國時之伯夏錫爵與夏言

向族眾領借乾隆二十三年十月內族眾催取無償

夏錫爵等各將田立契抵還契載取贖約俟冬至還銀贖

0 1 2 3 4 5 6 7 8 9 4





刑部新編二集卷十四

浮玉山人閱我備補籬甫輯 媼姪嚴昂駒學乾甫同校



律

捕亡

有罪之人應依擅殺本條

乾隆二十六年刑部議覆護河撫台 疏稱緣李二麻子

與于二住居相近乾隆二十五年七月十三日夜李二麻

子趕集未歸其妻李氏獨宿于二潛入室內摸氏圖姦李

氏驚醒於月光之下見係于二當即喊罵于二奔逸李二

成案新編

卷十四

刑律

一

捕亡

麻子回至門前聞罵查問李氏告知情由李二麻子忿怒

欲往找尋因畏醜聲亦未向人吐露十四日夜李二麻子

憶及于二圖姦之事氣忿不甘頓起殺機隨携屠刀至李

康升家時值于二在院睡熟李二麻子用刀扎傷于二心

坎于二兩手上推復致劃傷左手腕李二麻子拔刀奔回

于二受傷殞命訊認不諱將李二麻子依謀殺人造意律

擬斬監候等因具題前來查此案李二麻子殺死于二之

處既據訊明實因于二夤夜圖姦其妻被氏喊罵始行奔

逸李二麻子回家曾經撞遇遂于次日將于二刀扎斃命

如果圖姦屬實則于二原係有罪之人自應依擅殺罪人  
本條擬以絞候不當以尋常謀殺之律問擬如謂圖姦之  
處不過李二麻子夫婦一面之詞並無確據卽當訊取因  
嫌致死實情以成信讞不得任其捏飾以致審斷不符應  
令該撫詳審確情妥擬具題到日再議等因奉

旨依議

自新篇

今茲蘇精審審計爰獄具嚴匪日再精等因奉

諭及實計以如計精不暫至其野論以庭審禮不存憲

與不嚴李二和乎夫款一而之隨並無審獄即當局亦因

本新獄以錄刻不當以尋常斯錄之審問獄收監圖錄之

故果圖錄圖實限于二原新育罪之人自懇新監錄罪

謀溺竊賊致斃二命爲首照擅殺科斷爲從擬流

乾隆二十六年刑部會者得金爭先等淹斃竊賊王永綱

王二娃二命一案據貴撫周 疏稱王永綱與金爭先等

係同堂郎舅王永綱素行不端乾隆二十一年曾竊劉居

南貨物金爭先代賠贖銀十二兩五錢立有案據乾隆二

十五年二月十一日余鰲爲子完媼金爭先金俸先俱赴

余鰲家飲酒金應先之妻亦歸寧母家王永綱探知喚同

伊姪王二娃潛至金應先家內偷得棉被一床搭連一個

未成男女鞋三雙携回藏匿是晚金應先席散回家查知

成案新編

卷十四

刑律

三

捕下

被竊喊同金俸先陳文堯等并喚同金爭先查賊金爭先

以王永綱素不守分是日又不赴飲疑係王永綱所竊前

往搜贓王永綱携鉄尺出辯金俸先卽奪尺打傷王永綱

左手肘金爭先將王永綱拴起聲言吊打王永綱稱係姪

王二娃所偷金爭先又將王二娃拴起索贓王永綱說出

贓匿屋側籬下金爭先旋令王二娃取出金應先認明原

贓王永綱之妻金氏斥言王二娃不該行竊王二娃告係

王永綱令其同偷金爭先遂將伊叔姪俱拉至金應先家

拴縛約定次日送官十二日金爭先金俸先金應先邀地

隣陳文珣陳文堯劉天柱同押王永綱王二娃進城報官  
詎金爭先以王永綱屢次爲匪恐仍貽害起意致死卽取  
篋片繩索趕至中途吳馬口河聲言王永綱係慣賊送官  
懲治後仍要貽害地方應沉水除害陳文堯陳文珣金應  
先俱畏禍不允乘空走避金爭先隨令金俸先相幫綱縛  
王永綱并加縛石塊推入河中復令金俸先劉天柱綱縛  
王二娃亦加石塊王二娃辱罵金爭先將身帶小刀遞給  
劉天柱割傷王二娃腎囊推入河內而散屍妻金氏告知  
屍弟王永賢報縣研訊據供前情不諱將金爭先依罪人



已就拘執而擅殺律擬絞監候金俸先等擬流等因具題  
前來據此應如該撫所題金爭先合依罪人已就拘執而  
擅殺者以鬪殺論鬪殺者絞律應擬絞監候秋後處決該  
撫既稱金俸先劉天柱合依下手之人爲從減一等均杖  
一百流三千里等因奉

旨金爭先依擬應絞著監候秋後處決餘依議

刑部議奏 臣等謹將此案詳請 聖鑒 伏乞 聖鑒 謹奏

△○ 族房致死逃軍

乾隆二十四年刑部會議得新建縣民饒雄生毆溺逃軍饒盛生身死燒屍滅跡一案據署江撫阿 疏稱緣饒雄生係饒盛生同祖大功堂兄饒盛生素行爲匪先于乾隆十四年犯竊恭逢

恩赦援免至乾隆十八年又犯竊案被獲問擬發落仍不悛改後于乾隆二十一年八九等月連竊闕 賜佑等家經縣拿獲審擬依積匪例發邊衛充軍准到部覆解赴廣東龍門縣安插詎該犯隨于是年五月十五日薄暮自遣所逃回

成案新編

卷十四

刑律

五

捕亡

潛藏饒志生家空屋饒志生以饒盛生係屬逃軍卽向族長饒雄生通知饒雄生恐累族房欲拿送官又慮其強梁未敢向擒卽令饒志生先以酒哄騙饒盛生飲醉復喚饒昭會饒潤生前往帮捉將饒盛生拉至饒雄生家門首空地饒雄生斥其不應逃回欲縛送官饒盛生不服舉脚向踢口肆辱罵饒雄生怒其強橫遂主令饒潤生等向毆饒潤生聽從卽以木棍毆傷饒盛生臀腿等處饒昭會亦取棍毆傷饒盛生左脇饒盛生被傷倒地愈肆辱罵饒禮生在旁聽聞亦拾石毆傷饒盛生左太陽比饒盛生昏地醒

轉更肆辱罵稱欲俱死伊手饒雄生惡其罪人逃走又見  
橫逆一時忿恨頓起殺機王令饒潤生等幫同細溺饒昭  
會等聞言不允各散是時饒盛生被傷在地身已難起饒  
雄生卽取繩杠喚令饒潤生幫同細縛杠上擡至乾田尾  
水塘丟入塘內溺斃撈起屍身藏匿塘邊溝內而回至十  
七日傍晚饒雄生慮及敗露起意燒屍滅跡往商饒志生  
時有饒蘭生饒茂生饒猶于踵至遂邀同幫助饒志生等  
允從隨于是夜二更饒雄生帶同饒志生等偕至藏屍處  
所將屍擡至附近之臘黎山上饒茂生挖成十字形火坑  
饒志生等取柴鋪填坑而將屍擡放柴上發火燒至天明  
屍未焚盡饒雄生恐人見聞用水澆熄饒志生扒取未化  
碎骨同坑內骨灰掃裝籬筐提至山脚窰坑掩埋各散至  
二十五日有捕役徐華風聞向饒雄生查詢嚇令報官饒  
雄生畏罪懇求勿報遂送給銀三十二兩徐華收受隱匿  
經縣查出前情研訊據饒雄生供認不諱查饒盛生罪犯  
充軍復于遣所逃回原籍本屬有罪之人族保隣佑例應  
捕獲乃饒盛生不復拘拿饒雄生氣忿因而致死與尊長  
故殺無罪卑幼者不同律載囚雖逃走已就拘執而追捕

之人惡其逃走擅殺之以鬪殺論饒雄生係已死逃軍饒  
盛生同祖大功堂兄爲首起意將饒盛生溺死饒雄生除  
殘毀死屍及以財行賄不議外將饒雄生依律擬流等因  
具題前來據此應如該署撫所題饒雄生合依罪人已就  
拘執而擅殺者以鬪殺論毆殺同堂大功翁者杖一百流  
三千里律應杖一百流三千里仍照例斷給財產一半給  
屍兄饒猛生收領該署撫旣稱饒潤生聽從饒雄生主使  
幫同致死應以爲從論係饒盛生小功服兄合依尊長毆  
小功卑幼致死者絞律減一等應杖一百流三千里饒茂  
生饒猶干饒志生饒蘭生均聽從饒雄生殘毀死屍查饒  
茂生係饒盛生無服族兄饒猶干係饒盛生無服族姪均  
應同凡論合依殘毀他人死屍杖一百流三千里爲從減  
一等律應杖一百徒三年饒蘭生係饒盛生小功服兄合  
依凡人遞減二等爲從再減一等律應杖八十徒二年饒  
志生係饒盛生大功服兄合依凡人遞減三等爲從再減  
一等律應杖七十徒一年半捕役徐華得受饒雄生賄求  
銀三十二兩合依在官人役取受有事人財果於法有枉  
縱以枉法論計贓三十兩應杖八十徒二年無祿人減一

等律應杖七十徒一年半仍革役所得贓銀照追入官饒  
昭會係饒盛生無服姪孫用棍毆傷饒盛生並饒禮生係  
饒盛生同祖堂兄用石毆打饒盛生非至折傷均不議外  
其共見饒雄生主使擡溺不行阻止均合依知人謀害他  
人不卽阻當救護律應各杖一百地保饒猶選失於查察  
合依不應輕律笞四十時逢熱審杖犯照例減等飭先折  
責發落笞罪寬免等語均應如該署撫所題完結再該署  
撫疏稱此案失察衙役犯贓職名係前署新建縣事試用  
知縣周元愷等語應將失察衙役犯贓十兩以上之前署  
官依議

新建縣知縣周元愷照例於補官日降一級留任等因奉

擅殺以鬪殺論因鬪而誤殺旁人

乾隆二十三年刑部會看得新城縣僧思賢鎗傷工人黃禹高身死一案據署江撫阿 疏稱僧思賢籍隸南城縣俗姓黃自幼在新邑天寶寺披剃爲應付僧拜僧及曉爲師未領度牒該寺耕種度日乾隆二十二年正月內經當家僧及曉雇黃禹高在寺傭工每年議給工資錢四千文未立文券與僧思賢素好無嫌該僧及曉在山嶺下種薑二坵四月初五日被賊偷竊一坵初六日晚及曉命徒僧思賢赴薑地巡邏思賢慮有虎狼攜帶寺內買存鳥鎗裝藥灌沙防身前往巡查未見有賊旋回寺內迨二更時候及曉復令思賢往巡思賢仍帶鳥鎗至薑地站立守望時至半夜黃禹高以思賢未回告知僧明俚往接因嶺上山路一路通大源一路通蕪源思賢黑暗中見有人影走下問不答應疑係偷薑竊賊遂將鳥鎗對影點放不期誤傷黃禹高食氣額胸堂左胎膊等處倒地登時殞命思賢以打倒竊賊歸寺告知僧及曉僧明俚未見黃禹高回歸恐其誤打隨點燈往看果係誤傷黃禹高身死次早報知地保并屍翁黃三報縣研訊據僧思賢供認不諱查僧思賢

成案新編

卷十四

刑律

九

捕亡



執持烏鎗夤夜守蓋將鎗對影點放意在打賊不期本寺  
工人猝至誤傷身死事出意外如當時放鎗打賊致死應  
以不拒捕而擅殺科斷今誤傷工人黃禹高身死將僧思  
賢依律擬絞監候等因具題前來據此應如該署撫所題  
僧思賢比照罪人不拒捕而殺之者以鬪殺論因鬪而誤  
殺旁人者絞律應擬絞監候秋後處決等因奉

旨思賢依擬應絞著監候秋後處決餘依議

錄等入者為事或與文證類

會思習出照罪人不可赦而

習如事獄盜盜刑等因具訊前來其由訊取諸證無一不

以不可赦而置獄採備今題謝工人黃禹高良張傑計恩

工入弊至題謝具取事出意及取當部效驗其刑廷不恩

弊其息驗黃文十蓋無餘據與效意查其刑不勝本其



致死已獲賊犯錯擬不拒捕而殺改為已就拘執而殺

乾隆二十一年刑部會看得劉如清毆傷萬元偉身死一

案據廣東巡撫鶴 疏稱緣劉如清與賴亞三同受村中

催倩搭寮看守田園乾隆二十一年正月十二日夜萬元

偉在賴若松園內竊挖番茹適賴亞三巡至喝拿萬元偉

棄茹而逃賴亞三追捕不及拾茹回寮告知劉如清將茹

送交賴若松十四日賴若松邀同劉如清賴亞三前往尋

獲萬元偉欲拉送官究處行至村外寮前萬元偉不肯行

走賴亞三進寮取出防夜鉄尺打萬元偉右腳腕右膝

成案新編

卷十四

刑律

十一

捕亡

劉如清接取賴亞三鉄尺毆傷萬元偉左膝坐地詎萬

元偉傷重延至二十日殞命屢審不諱查萬元偉先被毆

傷右腳腕右膝並未損骨迨被劉如清毆傷左膝骨

斷卽行坐地叫喊左膝疼痛身死應以劉如清擬抵將

劉如清依罪人不拒捕而擅殺律擬絞等因具題前來查

劉如清因萬元偉竊茹尋獲卽拉至村外欲送官究治萬

元偉不肯行走始與賴亞三先後毆傷致斃是萬元偉係

已被拘執之犯並非未經被獲者比該撫將劉如清照罪

人不拒捕而擅殺律擬絞監候與律不符應改照罪人已

就執拘而擅殺律擬絞監候秋後處決等因奉

旨  
清依擬應絞著監候秋後處決餘依議

○○○ 毆逐竊賊涉水溺死

乾隆二十三年刑部據署江撫阿 咨稱安福縣犯人王

三坎毆逐竊賊周圍保涉水溺死一案查王三坎係吳渾

音家僕與周巨峯家僕周圍保素不認識並無嫌隙緣吳

渾音有祖遺杉山一嶂土名流水坑歷交王三坎照管乾

隆二十三年二月初七日周圍保同叔周秀文并隣人蕭

品維私往吳姓杉山樵採周圍保將杉木竊伐經王三坎

見而喊捕周秀文蕭品維聞聲奔走周圍保卽拾所砍杉

棍迎拒王三坎閃避亦拾杉樹毆傷周圍保右手腕將棍

成案新編

卷十四

刑律

十三

捕亡

打落又橫毆周圍保左後肋周圍保在地拾棍王三坎恐

其拾起回毆又以樹戳傷周圍保脊背周圍保下山奔逃

被荆棘掛傷右額角王三坎在後喊趕稱拿送官周圍保

情急涉水渡河不虞水深溺斃查周圍保盜砍王三坎王

山杉木不惟正贓現獲且有同行之周秀文等供證明確

其爲竊樹毆逐以致奔逃溺斃洵無可疑查王三坎之主

命其看山係屬應捕之人周圍保白日公然偷樹被王三

坎捕獲圍保尚欲拒捕以致三坎格鬪致傷迨後追趕圍

保又自行渡河致溺斃命實與罪人逃走因追逐窘迫律

得勿論之條相符照律勿論周秀文蕭品維盜砍有至山  
柴未經挑回均照竊盜已行而不得財律笞五十折責二  
十板免刺等因前來據此王三坎等均應如該署撫所擬  
完結

鄰佑同事主毆賊至死

乾隆二十三年刑部會看得樂平縣民姜時旺等毆傷不知姓名竊賊身死一案據署江撫阿 疏稱姜時旺與族姪孫姜觀耀比屋而居姜時旺先於後山砍有柴薪堆放  
在山恐人偷竊遇夜不時巡邏乾隆二十二年二月初三  
夜二更時分姜觀耀被賊扭斷倉鎖竊去穀三担有零分  
挑而逸姜時旺聽聞犬吠疑有竊賊即攜帶木棍防身往  
山巡查回至山陔于星光之下望見二賊挑穀四袋行走  
姜時旺知其為賊即聲喊捉拿時伊子姜元齊伊姪姜元

成案新編

卷十四

刑律

十五

捕亡

清在家聞聲接應二賊棄袋逃遁姜時旺因黑夜難行未  
及追趕隨轉小巷查看復遇一賊亦挑穀二袋踵至姜時  
旺吆喝賊即丟担欲逃姜時旺攔住即用木棍毆傷賊人  
右額角賊人用手招架姜時旺又棍毆其左胳膊是夜姜  
元齊姜元清各持棍先後奔至姜元齊用棍連毆賊人在  
臂膊右胳膊左手腕姜元清亦棍毆其左賺朋姜時旺復  
用棍向毆中傷賊人右太陽穴仰跌倒地隨後事至姜觀  
耀聞喊即持菜刀出視見倉穀被竊亦即向前砍截賊人  
左胳膊并右腿姜時旺見賊無聲息令子姜元齊取燈照

看賊已殞命皆不識認姜時旺恐人知覺報官治罪遂主使姜觀耀并令伊子姜元齊伊姪姜元清將屍網縛擡置黃沙灘河墘隨將賊遺賍穀布袋扁担携回次日保正姜添佑路過見屍有傷卽于村內查問詢知姜觀耀家被竊倉穀情由赴縣稟報研訊據姜時旺供認不諱查已死賊人受傷各處惟姜時旺毆傷右額角右太陽穴均係致命重傷且係姜時旺後毆傷右太陽穴方始倒地其爲姜時旺下手致命傷重致死無疑查姜時旺雖非事主而鄰佑亦應捕賊但賊不拒捕輒毆致死將姜時旺依律擬絞監候姜元齊等擬杖等因具題前來據此應如該署撫所題姜時旺除令移屍輕罪不議外合依罪人不拒捕而殺以鬪殺論其毆人致死以致命傷爲重下手致命傷重者絞律應擬絞監候秋後處決該署撫旣稱姜元齊姜元清除聽從父叔之命移屍不議外均合依餘人律杖一百姜觀耀在場助毆審係事主未便按照餘人問擬但不合移屍應照地界內有死人不申報官司檢驗輒移他處律杖八十等因奉

旨姜時旺依擬應絞著監候秋後處決餘依議

無應捕之責致死竊賊

乾隆二十三年刑部會看得龍泉縣民郭湖等毆傷竊賊  
朱元輝身死一案據署江撫阿 疏稱緣郭湖有族人郭  
文宗先于乾隆十九年夥竊事主王廷弼家耕牛經縣審  
詳枷責刺字至乾隆二十二年二月初六日郭文宗起意  
糾竊王秩允從探知事主高添華家有牛易偷初七日王  
秩轉邀尹亞二朱元輝同夥于是夜三更潛至事主門首  
窰孔進內竊出大小牛三隻初八日郭文宗等牽牛行至  
郭自呂店內吃飯牛繫店外適郭湖由田回家見四人牽

成案新編

卷十四

刑律

十七

捕亡

牛並無行李遂疑賊匪偷牛卽邀郭世漢往查希冀將牛  
截下以待事主認領圖得謝禮郭文宗見無人盤詰當卽  
先逸朱元輝亦棄牛而逃郭湖趕扭拉回詢其姓名住址  
朱元輝言語支吾郭湖隨拾搥衣木棒毆傷朱元輝左右  
胎膊朱元輝嚷罵郭世漢拳毆朱元輝右臂膊郭湖又用  
木棒戳傷朱元輝左乳復棄棒將朱元輝兩手執住令郭  
世漢向地拾取草繩令郭自呂幫同緝住朱元輝兩手腕  
拉進店內聲稱投稟詎朱元輝受傷色變郭世漢卽同郭  
自呂將繩解放朱元輝出店手按左乳痛不能行倒地至

晚殞命郭湖當同郭世漢將牛牽交地保陳清遠報縣研訊據郭湖供認不諱查朱元輝雖係有罪之人郭湖究無應捕之責其用木棒戳傷朱元輝左乳係致命重傷應以郭湖擬抵將郭湖依律擬絞監候秋後處決該撫既稱題前來應如所題郭湖合依其毆人致死以致命傷為重下手致命傷重者絞律應擬絞監候秋後處決該撫既稱郭世漢郭自呂合依餘人律各杖一百郭文宗起意糾竊合依盜牛三隻枷號四十日滿日杖一百係再犯刺面尹亞二照為從減一等律枷號三十五日滿日杖九十係初犯刺臂王秩飭緝獲日另結等語均應如該署撫所題完結等因奉

旨郭湖依擬應減著監候秋後處決餘依議

成案新編

卷十四

刑律

十八

捕亡

犯刺臂王秩飭緝獲日另結等語均應如該署撫所題完



已物未失卽非應捕事主

乾隆二十二年刑部會看得彭冠羣毆傷朱國選身死一案據署湖廣巡撫蔣 疏稱緣彭冠羣與鄰人吳三秀謝世謨各在地內種有包穀該村鄉例每年包穀黃熟公議輪流防守彭冠羣邀吳三秀謝世謨作伴半夜時分謝世謨睡卧窩舖彭冠羣吳三秀在地坐守適朱國選竊得于秀臣家衣物回村由包穀地外路邊經過彭冠羣聞步履聲呵心疑有人竊穀當加喝問朱國選卽棄賍逃走彭冠羣知係竊匪與吳三秀各執木棍隨後尾追彭冠羣先用

成案新編

卷十四

刑律

十九

捕亡

木棍往後掃打毆傷朱國選右臙朋朱國選滾跌路旁墮下磕傷左膝復在地掙扎 恐被兇脫卽持棍下墾毆傷朱國選左胎臙左臂殞命報縣驗訊通詳屢審不諱將彭冠羣依律絞候吳三秀擬杖等因具題前來查律內罪人逃走不拒捕而追捕之人擅殺之以鬪殺論等語此指應捕之人而言今朱國選竊得于秀臣家衣物由彭冠羣毆地外路邊經過雖係罪人而彭冠羣等地內包穀並未獲竊非應捕事主與罪人不拒捕而殺之律不符彭冠羣與吳三秀先後毆傷朱國選臙朋胎臙等處致斃自應

依其毆人致死律科罪彭冠羣不應如該署撫所題依罪  
人不拒捕而殺以鬪殺計律擬絞合改依其毆人致死下  
手傷重律擬絞監候秋後處決該署撫既稱吳三秀合依  
八律杖一百等語應如該署撫所題完結等因奉  
旨彭冠羣依擬應絞著監候秋後處決餘依議

被竊獲賊毆斃卽非偷竊已家之賊亦屬擅殺罪人

乾隆二十四年刑部會看得李開元楊應科等細毆楊廣楊天龍身死一案據雲撫劉疏稱乾隆二十二年八月

初一日夜李開元家被賊偷竊銅佛三尊銅瓶二個隨邀李登科李朝元李正元李應榮李廷佐追捕是夜有劉朝騫同楊廣楊天龍偷竊小猪五隻于次早倉忙同回李開元望見疑係偷竊伊家正賊隨與李朝元等同至劉朝家適楊廣正在門外李開元卽行扭住劉朝楊天龍在內聽聞疑爲尋猪之人楊天龍卽上屋躲避劉朝匿于牆脚以

成案新編

卷十四

刑律

二十一

捕亡

草遮蓋李開元見楊廣面貌失色當將楊廣剥衣細縛追問贓物及劉朝在于何處楊廣不認李開元棍毆楊廣脊背脊脊李朝元亦棍毆楊廣左腿楊廣說出劉朝在內李開元等又將劉朝搜出適李開元之戚楊應科踵至同將劉朝細縛追贓劉朝等指出楊天龍躲在屋上楊應科李登科用竿向屋嚇戳楊天龍仆跌下地致傷右乳右眼口唇等處衆見楊天龍等形跡詭譎認爲真賊亦行細縛逼問李登科棍毆楊天龍左腿膝朋李正元棍毆楊天龍左右膝李朝元棍毆楊天龍左右肋楊應科棍毆楊天龍脊

背脊脊李開元棍毆楊天龍左腿肚同劉朝楊廣各弔樹  
止冀供吐正賊午後均行解放詎楊天龍旋即殞命楊廣  
延至初五日身死驗訊不諱將李開元楊應科均依威力  
制縛人拷打致死律擬絞李朝元等擬杖等因具題前來  
查楊廣等偷竊猪隻本屬有罪之人而李開元等因楊廣  
楊天龍倉皇失色遂悞認爲偷竊已家之賊毆傷斃命自  
應依罪人已就執拘而擅殺律科斷該撫依威力致死人  
問擬與律不符且李開元楊應科各毆一人致斃例應各  
抵各命而威力致死人本條止以主使爲首擬抵下手爲

成案新編

卷十四

刑律

二十二

捕亡

從減流罪名更不相同李開元楊應科均應改依罪人已  
就拘執而擅殺律擬絞監候秋後處決該撫旣稱李朝元  
李登科李正元均合依餘人律杖一百李應榮李廷佐均  
應照不應重律杖八十劉朝聽從楊廣等行竊猪隻計贓  
在一兩以上合依竊盜贓一兩以上杖七十爲從減一等  
杖六十等語均應如該撫所題完結等因奉

旨李開元楊應科均依擬應絞著監候秋後處決餘依議

△○ 行竊自認被毆致斃

乾隆二十二年刑部會看得杜培先拷打杜四身死一案

據直督方 疏稱緣杜四素行不端求乞度日于乾隆二

十年十一月初四日夜至本村謝可亮店內竊得木梯一

張并住宿行客口袋四條將木梯携赴杜培先家房後口

袋賣銀花用事主因失物無多未經呈報隨賠還行客口

袋錢四百文仍一百留心訪查是晚瞥見所失木梯在杜

培先房後隨向杜培先索討口袋杜培先急欲剖白憶及

杜四素非善類往尋至晚見杜四醉歸即喚至家詰問杜

成案新編

卷十四

刑律

二十三

捕亡

四將木梯應認口袋狡稱未見杜培先再三詰問杜四出

言詈罵杜培先氣忿將杜四按地用棍毆其左腿杜四始

云口袋已賣杜培先當便釋手詎杜四即于是夜殞命屢

審不諱查杜四行竊木梯口袋已據杜四生前自認雖口

袋未經起獲而木梯已被事主認明杜培先雖無誣竊情

事但既將杜四尋獲並不給事主送官究詰乃喚至家盤

問因其不認口袋輒行拷打以致斃命自應將杜培先依

威力制縛人於私家拷打因而致死律擬絞監候等因具

題前來查律內威力制縛人于私家拷打因而致死者此

係指私拷平人而言此案杜四行竊口袋木槲業經自認  
是杜四係有罪之人並非毆死平人可比杜培先不應如  
該督所題依威力制縛人拷打致死律應改依罪人已就  
拘執而擅殺律擬絞監候秋後處決等因奉

旨杜培先依擬應絞著監候秋後處決餘依議

被竊拘執非所竊之賊共毆致死

乾隆二十一年刑部會看得豐城縣民涂科十致傷陳姓無名賊人身死一案據江撫胡 疏稱乾隆二十年十一月十七日涂科十持錢三百餘文赴白土墟買穀被匪綽竊是日晌午有崇仁縣篾匠甘茂章背負被包至詹恒十飯店投寓將被包置放店後房內往外尋覓主顧陳姓賊人潛入店房將被包竊出適甘茂章回店撞獲奪回將賊剥衣欲毆隨有趙朋來并涂科十先後至店毆稱伊等被匪綽竊錫壺錢文欲向盤問甘茂章隨將賊交涂科十等

成案新編

卷十四

刑律

二十五

捕亡

帶至趙朋來店前涂科十同趙朋來用綜繩縛賊兩手腕將賊吊于枋上趙朋來問其籍貫姓名綽竊次數賊人但稱姓陳住居安義不認綽竊錫器趙朋來當用牛鞭竹柄毆賊兩臀涂科十向賊盤問亦不認綽竊錢文涂科十接取趙朋來手中竹柄先後毆賊胸膛肚腹等處當有曾青十踵至亦稱在墟失錢四百遂向賊盤問亦不承認曾青十接取涂科十手中竹柄毆賊左腿右膝陳姓賊人堅不承認涂科十又查問夥黨賊終諉為不知涂科十復向曾青十手中接過竹柄毆賊背脊賊人叫痛求饒當即解放

帶回詹恒十店前同甘茂章取衣給還各散陳姓賊人負  
痛行止橫江橋亭內睡卧延至十九日夜殞命審認不諱  
查陳姓掏竊甘茂章被包賍經現獲匪竊無疑其涂科十  
等雖各被失錫壺錢文但並無証據乃其毆致斃難云已  
就拘執而擅殺涂科十所毆陳姓胸膛肚腹脊背等處俱  
係致命將涂科十依律擬絞等因具題前來據此應如該  
撫所題涂科十合依共毆人致死以致命傷爲重下手致  
命傷重者絞監候律應擬絞監候秋後處決該撫既稱趙  
朋來曾青十各傷陳姓兩臂腿膝俱非致命均合依餘人  
律各杖一百甘茂章被竊被包撞獲賊匪並未毆打所剥  
衣服亦已給還應免置議等語均應如該撫所題完結等  
因奉

成案新編

卷十四

刑律

三十六

捕亡

旨涂科十依擬應絞着監候秋後處決餘依議



○ 誤認爲賊毆斃不應照罪人不拒捕而殺科斷

乾隆二十二年刑部會看得王喜打傷余子光身死一案  
據河撫圖 疏稱緣王喜與余子光素未識認並無仇隙

乾隆二十一年八月初三日余子光自籍出門尋覓生意  
因染患瘧疾不能動作于初十日至迴龍寺投宿周三家  
內是夜五更時候往外出恭因發熱昏迷黑夜莫辯誤至  
盛文淵家推門王喜係與盛文淵隣居聽聞犬吠持棍開  
門出視見有一人在盛文淵門首站立隨向喝問余子光  
病昏未及回答王喜疑爲竊匪舉棍向毆余子光用手招

成案新編

卷十四

刑律

二十七

捕亡

架致傷右手虎口並被傷左食指左脇肋左腰眼余子光  
始開殺剖白王喜往手究問姓名行跡余子光將姓名來  
歷并誤認門路及病昏不及就答情由告知王喜知係錯  
毆畏懼避回余子光至十一日晚因傷殞命屢訊不諱將  
王喜依罪人不拒捕而擅殺律擬絞監候具題前來查余  
子光因病後昏迷誤推隣居門戶並非行竊王喜誤認爲  
賊棍毆至斃與罪人不拒捕而擅殺者不同王喜不應如  
該撫所題依罪人不拒捕而擅殺律擬絞監候應將王喜改  
依鬪毆殺人律擬絞監候秋後處決等因奉



旨王喜依擬應絞着監候秋後處決

毆死竊賊並無賍証

乾隆二十二年刑部會看得廣昌縣民黎求毆傷魏明輝身死一案據江撫胡 疏稱黎求挑担營生向與魏明輝在甘竹街肩挑熟識迨魏明輝沾患黃腫病症肩不能挑難以度日遂在街求乞乘間綽白乾隆二十一年八月十五日有黎求堂姊夫陳聚育趕街以錢四百文分裝綽馬背負至甘竹墟購買食物行至街市被一黃腫乞丐挨身于綽馬內綽錢二百文而逸比市衆擁擠陳聚育不及追趕隨赴街頭開張酒店之妻媵黎魏氏店免氏查訪至三

十三日陳聚育復至氏店適魏氏之姪黎求在街挑担而回從魏氏店門經過進店吃烟聽聞陳聚育查問黃腫乞丐黎求詢知綽錢情事遂言甘竹街黃腫乞丐惟有魏明輝素係綽白陳聚育卽央黎求找尋黎求應允赴廟撞遇魏明輝黎求遂向魏明輝詢問綽錢情事魏明輝素與黎求契好遂亦自認黎求言及伊戚之錢令其給還魏明輝允還一半遂同至魏氏酒店陳聚育瞥見魏明輝卽出店索錢黎求遂述魏明輝願還一半之言陳聚育不允必欲全償魏明輝見欲全償旋悔賴不承黎求証以前言不應



混賴兩相爭罵魏明輝輒掌批黎求之面黎求遂用拳毆傷魏明輝左耳根并拉魏明輝上街投人理論魏明輝不肯前行陳聚育即于魏明輝背後以拳毆傷魏明輝右後肋當經街眾趕赴勸散至二十五日魏明輝殞命研訊黎求供認不諱查已死魏明輝生前綽竊陳聚育之錢並無証據其自認綽錢之語出自克犯黎求之口况黎求亦非失錢事主明係疑竊起衅互毆致死黎求拳傷魏明輝左耳根係致命處陳聚育拳毆魏明輝右後肋係不致命將黎求依律擬絞等因具題前來據此應如該撫所題黎求合依共毆人致死以致命傷為重下手致命傷重者絞律應擬絞監候秋後處決該撫既稱陳聚育合依餘人律杖一百地保羅鼎萬素知魏明輝綽竊不行首報合依不應輕律笞四十等語均應如該撫所題完結等因奉旨黎求依擬應絞着監候秋後處決餘依議

成案新編

卷十四

刑律

三十

捕亡

見有黑影喝問不應疑其非賊卽鬼放銃致死

乾隆二十五年刑部會看得方瑞魁暮夜疑賊點放竹銃

誤傷無服族叔方允藏身死一案據福撫吳 疏稱緣方

瑞魁住居深山常有野獸踐食禾稻自製竹銃一杵裝人

火藥砂子以備臨時應用乾隆二十四年八月十九夜帶

銃巡查地瓜方允藏亦出巡守半夜行至方瑞魁門首方

瑞魁回家見有黑影喝問方允藏故意不答亦不走動原

欲驚嚇方瑞魁方瑞魁一時驚懼將竹銃點放希圖嚇走

致傷方允藏肚腹左脇等處踣地方允藏出殺方瑞魁聽

聞趕往看視始知係方允藏被其誤傷將方允藏扶回殞

命屢審不諱將方瑞魁擬絞等因具題前來查乾隆二十

四年二月內臣部議覆福建按察使史奕昂條奏嗣後私

造竹銃點放殺人者照故殺人律擬斬監候等語此案方

瑞魁點放竹銃致死方允藏既據該撫疏稱因半夜巡守

地瓜回家見有黑影喝問不應心疑非賊卽鬼放銃嚇走

初非有心殺人未便以故殺問擬等語應如該撫所題方

瑞魁應照同姓服盡親屬相毆致死律擬絞監候秋後處

決應將失察竹銃之德化縣降調知縣朱洽照例予補官

日罰俸一年等因奉

旨方瑞魁依擬應絞着監候秋後處決餘依議



成案新編

卷十四

刑律

三十一

捕

抽開籬門進內躲雨疑賊毆斃

乾隆二十二年刑部會看得廬陵縣民劉光運截傷雷水生身死一案據護江撫王 疏稱劉光運與雷水生住居各縣素不相識並無嫌隙緣雷水生籍隸泰和界連廬邑因伊堂伯雷錦文遷居廬陵傭工雷水生年幼孤貧常至廬邑伊伯住處附近行乞乾隆二十一年六月初六日夜天雷雨水生抽開劉光運籬門之門進內至劉光運住屋簷下躲避時至四更劉光運睡醒聽聞犬吠疑有賊匪隨即起身順帶防夜鉄鎗開門出視黑暗中見有一人影在

成案新編

卷十四

刑律

三十三

捕亡

屋簷下石墩之上連聲喝問雷水生驚惶不答劉光運以鎗隨手向截一下雷水生受傷負痛往外奔逃至竹檻邊撲跌倒地劉光運追及恐起行兇又以鎗截一下喊經隣人張周月趨視劉光運之父劉上錫聞亦起詢點燈照看始知係乞食幼孩致傷右腿右肱厥亟扶進屋給飲茶湯問其姓名住址及入門根由雷水生含糊答稱躲雨係泰和雷姓至初七日早劉光運給與飯吃令其他往雷水生稱傷痛難行劉光運攙扶雷水生行至半里外草坪洲地告以離墟不遠自往行乞劉光運回家即外出傭工詎雷



水生被傷卧洲不能前往初八日張周月路過目擊心憐  
取飯與食投明地保往喚劉光運將雷水生抬回醫治劉  
光運至晚始回初九日携飯往視雷水生勢已垂危劉光  
運畏懼未敢抬回初十日早劉光運復往看視雷水生業  
已殞命屍伯雷錦文聞知詣府認係伊堂姪雷水生身屍  
報縣驗訊據劉光運供認前情不諱究非有意欲殺查劉  
光運屋外籬門雖經雷水生抽門進內究在門外籬下與  
入人家內不同但籬門設以防範雷水生擅自抽門雖圖  
避雨原非行竊而劉光運心疑爲賊信手趕截致傷身死  
寔與尋常鬪毆有別將劉光運依律擬絞等因具題前來  
據此應如該護撫所題劉光運合依罪人不拒捕而殺以  
鬪殺論鬪殺者絞律應擬絞監候等因奉  
旨劉光運依擬應絞着監候秋後處決餘依議

○不知賊係族人趕截致斃

乾隆二十二年刑部會看得金谿縣民吳先榮截傷吳勝先身死一案據江撫胡疏稱吳先榮係吳勝先無服族叔祖素無嫌隙緣吳姓有公共後龍山一嶂蓄有樹木與劉定侯家之山毗連中有山路通往梅姓村內常被竊伐樹木族人輪流巡邏乾隆二十一年五月初五日夜飯後吳先榮至吳常俚店買烟原邀吳常俚同往巡邏吳常俚因天下雨不允同往吳先榮回家至二更時候獨自攜帶扁担至山巡查而吳勝先在家見天下雨先已閉門就寢

成案新編

卷十四

刑律

三十五

捕亡

不知族人吳先榮在外邏山迨經睡醒向妻龔氏告以欲竊樹柴爲架引葫子藤之用起而穿戴簑笠并携柴刀開門而出潛赴劉姓山塆竊砍柴樹時吳先榮在于已山坐守無賊偷樹轉身回家行至劉姓山背忽聞山塆柴响疑係梅姓偷竊山柴持担前赴山塆柴响處所捕捉比吳勝先知覺抱柴奔往坡下迺遁吳先榮黑影望見向前追趕敲喝吳勝先不敢答應吳先榮遂以兩手持担向截中傷吳勝先左耳根連耳輪背倒地手脚亂動吳先榮知被截傷卽棄担近前認視不清問亦不答遂手摸其口詎賊

已殞命吳先榮終不辨爲何人卽至吳常俚店敲門詭稱捕獲賊樹誘令往分吳常俚起而開門將紙裹香赴山點照驚係族人吳勝先竊柴誤被戳傷身死吳常俚走歸吳先榮亦卽携担而回至初六日早屍妻龔氏未見夫歸卽以夜出竊樹情事告知屍弟吳受先往山巡查驚見兄死劉山并屍塋砍有樹柴六根不知何兇致斃回告龔氏并投保隣將屍塋樹柴前赴各山比對柴根與劉定侯山塋被砍柴堯六根樹色刀痕俱屬相符報縣驗訊不知兇手下落向山主劉定侯推問劉定侯因人死伊山柴根有據

無可辨白難自解脫卽冒認係伊邏山致死吳免目前受刑經縣錄供通詳飭審嗣據該縣張敬元訪查覆訊究出正兇吳先榮并起行兇扁担比對原驗屍傷相符研訊據吳先榮將邏山聽聞柴响持担向戳致傷身死情由供認不諱究非有意欲殺查吳勝先係吳先榮無服族姪孫吳先榮夜邏已山之柴回聞連界之山柴响于昏夜追捕持担向戳原不知竊賊卽係族人吳勝先與尋常同姓親屬相毆至死有別但吳勝先已經抱柴迺遁並未拒捕而吳先榮從後趕戳致斃將吳先榮依律擬絞等因具題前來

據此應如該撫所題吳先榮合依罪人不拒捕而殺以鬪  
殺論鬪殺者絞律應擬絞監候秋後處決該撫既稱異常  
俚夥同照亮明知吳先榮毆死不卽首報地保黎作三於  
地方人命不行確查具報俱屬不合均應照不應重律各  
杖八十屍弟吳受先屍妻吳龔氏因屍在劉山比對樹根  
相符供報山主劉定侯原不指定兇手並非有心誣害與  
龔免受刑妄認兇手之劉定侯先經縣釋所獲樹柴六根  
給劉定侯收領等語均應如該撫所題完結等因奉  
旨吳先榮依擬應絞着監候秋後處決餘依議

○偷砍公山樹木拴縛毆斃

乾隆二十二年刑部會看得貴溪縣民王新生毆傷王萇生身死一案據江撫胡 疏稱王新生與王萇生同姓不宗素無嫌隙緣王新生家有公共墳山一片蓄有樹木乾隆二十年九月初九日王萇生潛至山上偷砍松柴王新生撞獲王萇生棄柴而逸王新生將柴挑回投鳴王萇生之族長地保次早王新生邀同族姪王有賢至萇生家議罰王萇生不允反出言詈罵王新生氣忿即轉至背後攔腰將王萇生抱住令王有賢解王萇生腰繫布帶背縛兩

成案新編

卷十四

刑律

三十八

捕下

手欲行送究王萇生即以頭向撞欲與王新生拚命并舉脚踢王新生隨拾其天井邊脚盆內所放木棒槌向毆中傷王萇生右額角倒地王新生隨同王有賢扶救解放縛手之帶詎王萇生受傷旋即殞命報縣研訊據王新生供認前情不諱究非有意欲殺查王萇生偷砍王新生公山樹木原屬有罪之人但王新生既已親獲賊據不即送官究治乃拴縛毆斃將王新生依律擬絞監候等因具題前來據此應如該撫所題王新生合依罪人已就拘執而擅殺者以鬪殺論鬪殺者絞律應擬絞監候秋後處決該撫

既稱王有賢隨往帮同網縛合依不應重律杖八十待逢  
熱審照例減等飭先折責發落等語應如該撫所題完結  
等因奉

旨王新生依擬應絞着監候秋後處決餘依議

盜砍族人松柴已離盜所趕逐致斃

乾隆二十六年刑部會看得蓮花廳民郭祥發致傷無服族侄郭海南身死一案據江撫常疏稱郭祥發價買郭懷瑾家松山一片採樵管業乾隆二十五年五月二十七日郭海南潛赴該山砍取松柴適郭祥發撞獲將郭海南鐮刀奪取下山欲往投人理論郭海南追奪鐮刀郭祥發不允郭海南必欲奪回郭祥發隨拾石向擲中傷郭海南顛門因該地逼近溪河斜坡郭海南被傷站立未穩仰跌下河又被尖石墊傷穀道常有劉兆祿之妻李氏在山拾

成案新編

卷十四

刑律

四十

捕下

柴見卽奔赴摠扶郭海南起岸隨經在田工作之郭適一趨詢情由將郭海南背回報廳驗傷辜醫郭海南顛門之傷治已平復惟穀道傷重潰爛不痊延至六月廿五日殞命研訊據郭祥發供認不諱查已死郭海南盜砍松柴雖係罪人而已離盜所追趕奪刀已成爭鬪且係郭祥發無服族侄將郭祥發依律擬絞監候等因具題前來據此應如該撫所題郭祥發合依同姓服盡親屬相毆至死者以凡論鬪殺者絞律擬絞監候等因奉

旨郭祥發依擬應絞着監候秋後處決

年幼拔豆原非偷竊以鬪殺論

乾隆二十五年刑部會看得安義縣民劉以景趕毆閔二保落河身死一案據署江撫阿 疏稱緣劉景等地內種有黃豆成熟乾隆二十四年六月十七日早劉以景之子劉再耀同劉以權之子劉再仕在地拔取豆角閔二保亦至該地混行拔摘劉再仕等喊叫不去劉以景聞聲往喝閔二保郎携豆角跑走劉以景當郎追趕劉以權亦隨同趕去閔二保走至河邊回見兩人向追遂將豆角丟棄往前急跑劉以景見其跑遠隨手在地檢取石塊向擲致傷



閔二保腦後適值河邊路窄墻陡以致失足跌落河內當  
經劉以景喊人撈救并報知屍父閔文池喊同閔時鏞等  
撈獲屍身經縣驗審據劉以景供認不諱查閔二保年幼  
無知白晝當面混拔豆角原非偷竊劉以景輒行趕逐擲  
石致傷落河殞命應以鬪殺論將劉以景依律擬絞監候  
等因具題前來據此應如該署撫所題劉以景合依鬪毆  
殺人者不問手足他物金刃並絞律擬絞監候秋後處決  
該署撫既稱劉以景同往追趕合依不應重律杖八十等  
因奉

旨劉以景依擬應絞着監候秋後處決餘依議

自隆以其始賊惠始善盟新林新武州繪新編

越獄盜犯

乾隆二十二年刑部議覆直督方 奏盜犯陳海等越獄  
被獲一案查例載殺人盜犯及未殺人之首盜與傷人之  
夥盜原擬斬梟及斬決若越獄脫逃被獲者並于本地方  
斬決梟示其未殺傷人之夥盜原係擬斬免死發遣之犯  
如越獄脫逃被獲者于本地方擬斬立決若因越獄殺傷  
兵役者亦擬斬梟示等語此案盜犯雖未據該督審明首  
從及行劫時會否殺傷事主但既越獄脫逃例應正法應  
如該督所奏將已獲之陳海黃正青李有三犯擬斬立決



仍令該督查明該犯行劫原案照例梟示其未獲之劉四  
李進才黃正白令該督飛飭文武各員懸立重賞勒緝務  
獲審擬等因奉

旨依議

○○○毆死禁卒越獄又復拒捕傷人

乾隆二十三年刑部會議得斬犯董敬科毆死禁卒王繼受越獄被獲一案據護理陝撫清 疏稱緣董敬科于乾

隆二十一年正月內在洋縣因索賄賍毆傷殷金宗身死照故殺律擬斬監候具題未准部覆詎董敬科于乾隆二十二年四月初九日禁卒王繼受暫開董敬科手肘吃飯董敬科起意越獄卽拾卸下手肘打傷王繼受頂心太陽腦後登時殞命隨擊斷腳鐐鉄鍊扭開監門越牆而走路過甘肅之華亭縣卽在伊堂甥劉三窰內住歇迨至十一

成案新編

卷十四

刑律

四十四

捕下

月二十二日經華亭縣役訪知稟經該縣甘珠爾率領兵役親往擒拿董敬科復敢持械拒捕致傷多人該縣奮力將該犯拿獲研訊供認前情不諱將董敬科擬斬立決恭請

王命卽行斬決梟示劉三擬流等因具題前來應如該護撫所題董敬科合依斬絞之犯事發到官負罪潛逃被獲原犯情罪重大無可寬緩者改爲擬斬立決已據該護撫恭請王命斬決梟示應無庸議該護撫旣稱劉三合依知情藏匿罪人減罪人所犯罪一等律應照董敬科所犯斬罪減一等



杖一百流三千里等語均應如該護撫所題完結等因奉  
旨依議

成案新編

卷十四

刑律

四十五

捕下

○○○斬犯希圖放火越獄謀而未行

乾隆二十四年刑部會看得同安縣斬犯李邦密帶火藥希圖放火越獄謀而未行一案據福撫吳 奏稱李邦先於雍正七年因行兇充發黑龍江後于雍正十三年恭逢特恩釋回李邦回籍之後怙惡不悛仍敢窩留匪竊坐家分贓設爐三座廣行私鑄復拒捕抗官打差奪犯種種不法臣于審訊該犯之時察其狀貌兇頑惡蹟昭著恐其再滋事端于本年四月具題並繕摺奏請即入本年秋審情實茲於六月初六日酉刻據同安縣知縣鄒召南稟稱斬犯李

成案新編

卷十四

刑律

四十六

捕下

邦奉發監禁詎伊私藏火藥四兩先後誘惑同監犯人黃尾等密謀放火烧監越獄因查監嚴密尙未舉行即被典史吳斌督率提牢唐鳳陳珍查監搜出火藥即行訊明等情臣查李邦身犯重罪尙敢私藏火藥倡謀越獄密誘同監犯人其兇惡狡詐實非尋常要犯可比但在監重犯共有一百餘名內有多人應行質訊未便概行提解或致疎虞臣即傳委按察使史奕昂于六月初七日辰刻星速前往同安會率興泉道李星聚泉州府知府懷蔭布同安縣知縣鄒召南等將李邦併夥犯黃尾等提出嚴刑確訊加

添鑄鑄鉛灌鎖門收入木籠併飭多撥兵役晝夜巡邏一  
面據稟批委究訊確情在案茲據該司道府縣公同詳稱  
訊據李邦供認自知情罪重大要想越獄因提牢官吏關  
防嚴密難以脫逃必須放火燒監始可乘隙逃走二月內  
在同安起畔之時行至城外岳口地方適伊妻弟陳傑來  
送盤費遂脫衣付洗密囑將伊家中舊存製花炮用剩火  
藥用紙封固俟伊解省回縣日暗帶交給後到省審定發  
縣于四月十三日回到同安城外岳口地方陳傑將火藥  
包護連衣遞給該犯恐解役及監口搜查將火藥紙包鋪  
薄墊入鞋底混帶進監收入木柵又想若不招通外監犯  
人打開木柵遽行放火必致傷身至五月二十二日與同  
監黃尾密商糾約外監人犯三十人打脫鑄鑄破柵放火  
一齊撞出監門搶奪堆房軍器拒敵逃走黃昏時候遂可  
出城黃尾受囑聽從即轉邀同監另案犯人張蓋陳義林  
送被李在聽見喝罵均不肯從未敢妄動至五月二十八  
日典史吳斌查監提李邦出柵加釘鑄鑄見木柵旁放有  
紙包即行詰問該犯誣稱癩藥遞給黃尾黃尾不肯受  
該典史即行接過查看係火藥訊明稟報奉委會勘今經

公同嚴訊不但李邦將先後起意誘人私帶火藥欲圖放  
火破門脫逃搶奪軍器拒敵等情自認不諱即提究另案  
斬犯黃尾及被誘不從之張蓋陳義林送以及聽聞阻攔  
之李柱均各供質相符伏讀定例拉林種地遣犯私逃被  
獲一面解送拉林正法示眾俾知儆戒等語欽遵在案今  
李邦以黑龍江遣犯蒙

恩放回既已疊犯重罪按擬情實乃敢起意誘惑重囚屢謀越  
獄又私帶火藥希圖乘隙放火撞門出監搶奪軍器拒敵  
出外逃走雖因張蓋不從中止而現獲火藥惡蹟昭著較

成案新編

卷十四

刑律

四十八

捕亡

諸拉林遣犯私逃情罪倍加深重請即按擬照前例將李  
邦擬斬立決即行正法黃尾謀而未行其不肯接火藥尙  
知畏法已于本案擬斬情實罪無可加仍嚴行監固候

旨遵行其知情不首之張蓋等均已于本案問擬斬絞被誘不  
從法無可加應仍歸本案從重完結失察傳遞火藥之長  
解施元吳興應照不應重律杖八十失察火藥進監之提  
禁唐鳳陳珍已經自行搜獲稟究應與已經病故之陳傑  
均予免議等情具詳到臣謹會同督臣楊合詞恭摺具

奏等因前來查例載凡該斬絞之犯事發到官負罪潛逃



者如原犯情罪重大至秋審時無可寬緩者改爲立決等語今李邦以私鑄重犯又復拒捕毆差前據該撫將該犯擬以斬候請入于本年秋審情實經臣部等衙門題覆在案今該犯在監自知重罪難追起意圖脫招誘黃尾劫獄密藏火藥冀圖燒監搶奪軍器拒敵逃走雖謀而未行較之負罪潛逃者其情尤重再查黃尾以從前與陳氏通姦將本夫殺死擬斬監候秋讞時亦係例應情實之犯今復與李邦同謀劫獄均屬法所難寬乃該撫奏稱該犯不接火藥尙知畏法罪無可加仍行監固等語但查該犯之不

接火藥乃因該典史在旁查出故爾不敢接受並非畏法者可比未便仍行監候致滋事端李邦不應如該撫所擬照拉林逃犯之例擬斬立決黃尾亦不應如該撫所擬罪無可加仍行監固李邦黃尾均應改照原犯情罪重大秋審時無可寬緩改爲立決例卽行正法以昭炯戒再該撫奏稱被誘不從知情不首之張蓋等均已于本案問擬斬絞法無可加應仍歸各本案完結失察傳遞火藥之長解施元吳興應照不應重律杖八十失察火藥進監之提禁唐鳳陳珍自行搜獲稟究應與已經病故之陳傑均予免



議等語應如該撫所奏完結等因奉

旨李邦黃尾俱着卽處斬餘依議

○○○越獄人犯原犯情罪可原仍依本罪 百日限內捕獲  
官役免議免罪

乾隆二十二年刑部會看得老該越獄脫逃被獲一案據  
貴撫定 疏稱緣老該先與潘祥生有隙乘潘祥生身故  
發掘墳墓剥衣洩忿審依開棺見屍爲首律擬絞歷經秋  
審緩決之犯迨乾隆二十一年閏九月初八日三更時分  
乘禁卒更夫睡熟擰斷手肘拽脫鉄鍊及脚鐐所帶之鎖  
由監牆上房踰牆而遁禁卒李維時等次早起視不見老  
該驚喊監外差役刑書報廳查訊通詳飭緝旋於十月二  
十七日將該犯老該拿獲據供不諱查老該係挾嫌刨墳  
見屍擬絞之犯節經秋審緩決情罪尙非重大老該應照  
例仍依本罪擬絞禁卒李維時等擬杖等因具題前來應  
如該撫所題老該應照負罪潛逃原犯情罪情有可原仍  
依本罪例擬絞監候秋後處決該撫既稱禁卒李維時羅  
李德民壯王魁王全雖訊無賄縱情弊但係在監主守之  
役不小心防範以致重犯越獄未便免罪應照不應重律  
各杖八十俱革役刑書馮國龍差頭王汝梅每日同點刑  
具不加謹看視致被拽鎖鍊脫逃亦照不應重律各杖八

十免其革役等語均應如該撫所題完結再查律內主守  
不覺失囚皆聽一百日追捕能自捕得或他人捕得皆免  
罪等語今此案該撫既稱該犯於乾隆二十一年閏九月  
初八日越獄脫逃至十月二十七日拿獲係在一百日捕  
限之內律得免議所有疎防之臺拱同知海米納律得免  
議應毋庸議等因奉

旨老該依擬應絞著監候秋後處決餘依議

○親督兵役立時全獲反獄人犯從優議叙

乾隆二十二年六月初七日吏部欽奉

上諭多倫諾爾同知衙門監犯鳴鳩兒等反獄一案同知雙鼎親身督率兵役立時全行捕獲不至免脫甚屬可嘉雙鼎著交部議叙巡檢孫鰲于總張獻瑞協力擒拿亦屬奮勉孫鰲著賞給與縣丞銜張獻瑞著以應陞之缺用並各賞銀一百兩以示鼓勵欽此查多倫諾爾同知衙門監犯鳴鳩等反獄同知雙鼎親身督率兵役即能立時全獲不致人犯遠颺實屬董率有方自應從優議叙以示獎勵應將多倫諾爾

成案新編

卷十四

刑律

五十二

捕亡

同知雙鼎照全獲越獄重犯之例准其以應陞之品陞用等因奉

旨依議

△。越獄全獲叅處

乾隆二十三年廣西巡撫鄂 題爲特叅藐視監獄之劣  
員以儆玩愒事竊照監獄重地理宜防範嚴密不容稍有  
疎忽詎有養利州知州丁鶴起吏目易昌騰者怠玩性成  
藐視監獄查該州監內有州民歐薦桃家被竊臨時行強  
限內拿獲盜首夥犯黃應韶等八名經該州訊供通詳飭  
審詎該犯等于乾隆二十二年十一月初一日夜越獄脫  
逃經該州懸賞分頭嚴拿于初四等日將逃犯八名俱已  
拿獲先後稟報到臣臣查印捕各官並不加謹防範以致  
越獄脫逃雖于八日內全獲但監禁重囚數至八名之多  
同時脫逃實非尋常越獄之案可比似此漫不經心之劣  
員斷難一刻姑容相應特疏

題叅請

旨將養利州知州丁鶴起吏目易昌騰一併革職以儆玩愒者  
也等因奉

旨重犯越獄地方官固有應得處分其限內全獲者自應分別  
議處今鄂寶題叅養利州知州丁鶴起吏目易昌騰藐視監  
獄請旨一併革職該州逃犯已于數日內全行拿獲在職司

監獄之吏目任意疎縱固律無可寬至該州雖防範不嚴而  
既經全獲被議自有重輕若一併議以革職又何以處督緝  
不力遲延未獲者耶該撫辦理未爲允協此案該州知州丁  
鶴起著革職留任



○ ○ 斬決重犯越獄限內拿獲不准開復

乾隆二十一年刑部會看得斬犯張根兒越獄被獲

據署陝撫盧 疏稱緣張根兒因鷄姦幼童審擬斬決案

回監禁聽候部覆該犯在監畏罪欲逃乾隆二十年十一

月二十七日諭該禁卒閻可忠看守內監至晚典史侯玉

帶刑書靳沾綸查點驗明張根兒肘鐐收入木籠張根兒

乘間可忠酒醉酣睡即脫落肘鐐擰鑽鑽出籠外用監存

鐵鑊空竊逃走潛赴聶家坡尋見聶五代爲剪髮與王五

張楞張麻子相遇張楞引各犯同至殷自福堡樓借宿殷

成案新編

卷十四

刑律

五十六

捕七

自福不知因而容留初八日被差役跟拿到案研審刑禁

人等並無賄縱情弊訊據張根兒王五俱認前情不諱除

張根兒已奉文正法外將聶五張楞擬流王五張麻子俟

獲日審結等因具題前來除張根兒臣部覆准行文將該

犯斬決外該署撫既稱逸犯聶五首先應許代爲剪髮指

引同逃張楞轉相引送藏宿應各照律依張根兒斬罪減

一等杖一百流三千里俟緝獲日審結王五張麻子隨行

爲從應再減一等杖一百徒三年王五發驛擺站張麻子

亦俟緝獲日審明充徒禁卒閻可忠等訊無賄縱情弊應





照張根兒斬罪減二等各杖一百徒三年刑書斬沾綸照  
例減獄卒罪三等杖七十徒一年半今張根兒已於捕限  
內拿獲應照律寬免典史侯玉以斬決重犯不嚴督禁卒  
小心防範以致疎脫今雖限內捕獲而監犯係其專責疎  
忽殊甚應仍請革職免其治罪等語應如該署撫所題完  
結其典史侯玉已於本案革職毋庸再議再該撫疏稱原  
叅藍田縣改教知縣肅超革職之處應請照例開復等語  
查張根兒係斬決重犯該縣不上緊防範以致越獄脫逃  
與尋常越獄限內拿獲例得開復者不同該撫題請開復  
之處毋庸議等因奉

成案新編

卷十四

刑律

五十七

捕亡

旨依議

絞流二犯越獄於百日內拿獲絞犯革職留緝之知縣  
開復其未獲流犯因已卸事照離任官例議處

乾隆二十二年刑部會看得嘉魚縣監犯朱上升赦定國  
越獄脫逃復獲朱上升一案據湖北巡撫盧 疏稱緣朱  
上升在嘉魚縣地方糾約敖定國夥竊客民曾定華船上  
銀一百七十八兩二錢被獲審明將朱上升擬絞監候敖  
定國擬流題准部覆監禁詎朱上升敖定國於乾隆二十  
二年正月二十三日夜乘禁卒人等睡熟扭斷鎖鍊檢取  
地下木橛於後監北墻竅洞鑽出連夜潛逃當將玩視監  
獄之該縣陳譜並典史謝震題叅奉

成案新編

卷十四

刑律

五十八

捕亡

旨革職仍留該地方協緝在案嗣據叅縣陳譜捐給盤費差捕  
於二十二年二月初三日在潛江縣屬荆湖口地方拿獲  
朱上升一犯訊係乘間越逃並無賄縱通線情弊逃後亦  
無行兇爲匪情事等因前來應如該撫所題朱上升合依  
斬絞之犯事發到官負罪潛逃被獲原犯情罪尙有可原  
仍照本罪擬爲監候例應照本罪擬絞監候秋後處決再  
該撫疏稱叅革留緝之嘉魚縣知縣陳譜於百日限內捐  
給盤費差役追捕重犯朱上升復獲還禁查例內斬絞重

罪人犯越獄者有獄官革職限內督緝全獲者開復應請  
照例免其仍留協緝並請開復至同案越獄脫逃之流犯  
赦定國尙未戈獲查例內軍流等犯越獄者不論名數多  
寡該管有獄各官任俸戴罪勒限一年督緝逾限一二名  
不獲者罰俸一年等語陳譜應請仍照流犯越獄未獲例  
議處聽候部議等語查律內主守不覺失囚皆聽一百日  
追捕能自捕得或他人捕得皆免罪又定例軍流徒杖笞  
等犯越獄脫逃有獄官任俸戴罪勒限一年督緝又定例  
各官任內有承督未完事件于未經限滿之先離任者罰

俸一年完結等語查此案越獄絞犯朱上升該撫既稱已  
於百日限內拿獲律得免議所有嘉魚縣知縣陳譜原叅  
革職之案照例准其開復其流犯赦定國尙未戈獲應照  
例任俸勒限一年督緝已經卸事應照離任官例於補官  
日罰俸一年等因奉

旨朱上升擬應絞著監候秋後處決餘依議

開放鑛錄雇替代解致犯脫逃

乾隆二十六年刑部據署江撫常咨高安縣兵役遞解軍犯奈黃至清江縣頭門脫逃一案查軍犯奈黃係河南商水縣人先因夥竊商邑黃生輝等家被獲審擬照積匪猾賊例減等杖徒在配逃回隨又夥竊西華縣事主馮令聞家拒捕潛逃拿獲審擬發邊衛克軍解發浙江鎮海縣著伍復奉文改發廣西省酌發安置之犯隨帶妻井氏由浙江寧波府鎮海縣配所逐程遞解于乾隆二十五年五月十九日解至江西瑞州府高安縣二十日高安縣僉差

成案新編

卷十四

刑律

六十

捕亡

劉輝徐吉并移營撥兵劉漢陳國泰轉解而劉輝出錢一百五十文雇倩熊佑代解徐吉僱車給井氏乘坐奈黃亦欲徐吉僱坐兜轎徐吉不允奈黃遂以天氣炎熱身帶刑具難以行走懇求開放鑛錄便于散行徐吉以奈黃帶有妻室不致脫逃輒將奈黃鑛錄開放又不親身押解私自回家而移撥之兵陳國泰先因打草外出趕解不及後至中途受暑私回是日止有營兵劉漢與受雇頂替代解之熊佑管押軍犯奈黃同妻井氏前進于二十一日清晨解至清江縣奈黃同劉漢坐於頭門階砌之上熊佑即赴刑

房投文刑書關夢熊以遞解人犯未穿蒲衣恐前途不久  
接犯轉遞遂爾解役熊佑查問軍犯曾否穿有紅衣熊佑  
答以未穿致未收文熊佑將公文帶出後同軍妻井氏問  
取紅衣井氏隨將白布衫一件交熊佑染紅熊佑即將奈  
黃交營兵劉漢看守熊佑隨持衣往染詎奈黃取劉漢討  
火吃烟無人看守即棄妻逃走當經熊佑等回稟清江縣  
差役分途追尋無踪經縣訊供詳緝茲據該府審訊徐吉  
等已將聽從該犯奈黃央求開放鑄鐐雇替代解私自潛  
圓各情出供認不諱據究實無受賄賈放情事實之軍妻  
井氏亦堅供並非賄求縱逃解役徐吉劉輝營兵陳國泰  
均合依押解軍犯違例雇替代故潛圓致有疎脫減囚罪  
二等例各杖九十徒二年半受雇之熊佑應減承差一等  
應于劉輝杖九十徒二年半罪上減一等杖八十徒二年  
至營兵劉漢係親身押解但當熊佑交令看守並不小  
心管押以致脫逃合依押解人不覺失囚者一名杖六十律  
應杖六十折責二十板革伍刑書關夢熊雖審非有意勒  
情但遞解人犯即使需用紅衣亦應稟明本官辦理乃輒  
向解役索問紅衣不與投文以致解役染衣他往致犯脫

逃亦屬不合應照不應重律杖八十折責三十板革役熊佑所得雇錢一百五十文照追入官軍妻井氏飭令清江縣暫行安置逃軍奈黃飭速關緝務獲究報所有此案餘差不慎文武疎脫職名相應一併開報除咨吏兵部外相應咨參等因前來據此徐吉等均應如該署撫所擬完結其逃遣奈黃應令該撫并原籍河撫一體查拿務獲審擬報部至議處文武職名事隸吏兵二部該撫既經咨明應聽吏部會同查議可也



軍犯解至中途賄囑同解徒犯頂替

乾隆二十六年刑部等議得河撫胡 奏軍犯程三賄買  
頂替一案查程三在吉林地方雇人創參令楊棟偷運口  
糧米石事犯擬軍乃該犯解至中途膽敢賄囑案內徒犯  
楊棟頂名替換實屬怙惡詭詐楊棟本係徒犯膽敢受財  
頂替充軍亦屬藐法應如該撫所奏程三比照改發巴里  
坤人犯分發闡展等處給錄旂兵丁爲奴楊棟比照故縱  
罪囚與囚同罪律照程三原犯軍罪發雲南烟瘴地方交  
與地方官嚴加管束等因奉

成案新編

刑律

七十三

旨依議

中途疎脫罪名未定之犯

乾隆二十七年刑部咨覆署江撫明 咨德安縣差役余榮陳祥雇倩民人桂考保羅以富頂名押解犯人王二等中途開鎖脫逃一案查例載回空糧船如有夾帶私鹽十人以下拒捕殺傷人者俱照兵民聚衆十人以下例分別治罪又例載兵民十人以下拒捕殺人不論有無軍器爲首者斬下手者絞俱監候不曾下手者發邊衛充軍又律載凡犯無引私鹽者杖一百徒三年又例載解審斬絞重犯在途開放鎖鑰以致脫逃本犯未獲者即將解役究審

成案新編

卷十四

刑律

六十四

捕亡

嚴行監禁俟拿獲正犯之日究明賄縱屬實即將解役照所縱囚罪全科如無賄縱情弊審有違例雇倩潛回無故先後散行止任一人押解以致脫逃者亦照故縱律與囚同罪不准照舊例減囚罪二等問擬僉差不慎之地方官視解役所得之罪分別從重議處各等語茲查原咨在逃之王二聽從余三拒捕該犯若果在場毆傷差役按例應擬絞罪黃裁縫郭四馬六亦應分別定擬軍徒此案余榮陳祥接解囚犯虛填出差之役違例雇替以致重犯脫逃而受雇代解之民人桂考保輒敢聽許錢文私開犯鎖均





應照故縱律與囚同罪羅以富受雇押犯中途疎脫亦應照囚罪減二等問擬但逃犯王二等現未拿獲是否實係販私拒捕正犯弁王二曾否傷人無爲州均無質訊確供卽余三原供亦復含混此時江省尙難懸擬該役余榮等未便卽照斬絞重犯分別科罪致有枉縱應將余榮陳祥桂考保羅以富四犯監禁俟拿獲逃犯王二等解皖審明之日另行定擬訊不知情之批內解役陳華洪元李法周青羅達徐盛桂榮梅文均暫予保候俟獲犯日再行訊釋等因前來據此余榮等均應如該署撫所請分別監禁取保俟緝獲逃犯王二等一併審擬具題可也

成案新編

卷十四

刑律

六十五

捕七

徒犯脫逃免緝承緝官免議

乾隆二十一年吏部准江撫胡 咨稱新淦縣徒犯鄭標

在醜脫逃一案該犯鄭標已恭逢

恩詔咨准部覆免緝所有原承緝職名係現任新淦縣知縣  
林樹崑相應開報聽吏部查議等因前來查逃犯鄭標既  
經免緝所有承緝不力職名相應免其查議并將新淦縣  
知縣林樹崑限一年緝拿之案准其查銷可也

烟瘴少輕地方軍犯脫逃亦改發黑龍江

乾隆二十七年刑部據湖南撫馮

咨稱祁陽縣盤獲逃

軍劉烈一一案緣劉烈一原籍江西南昌府豐城縣人姦

拐宋未九之妻袁氏案內審依和誘知情例發遣貴州都

勻府麻哈州烟瘴少輕地方安置之犯於乾隆二十六年

五月十三日到配發交保正尹元成收管該犯因貧難度

起意脫逃於十二月二十日潛逃用火煤燒燬右面刺字

二十七年正月三十日行至祈陽縣地方被兵役盤獲到

案查逃軍劉烈一既據該縣訊明逃後並無行兇為匪應

成案新編

卷十四

刑律

六十七

捕七

枷號一個月調發雲貴兩廣極邊烟瘴地方充軍仍飭於

右面補刺軍犯二字左面加刺逃軍二字據訊沿途並無

知情容留配所亦無賄縱情弊均毋庸議相應咨達等因

前來查定例軍犯脫逃以次遞加調發至極邊烟瘴脫逃

者改發黑龍江等處給披甲人為奴等語至烟瘴少輕地

方軍犯脫逃者例內並無改發極邊烟瘴之條今劉烈一

係姦拐袁氏擬遣改發雲貴兩廣烟瘴充軍之犯既屬烟

瘴脫逃自應改發黑龍江等處給披甲人為奴應將劉烈

一改發黑龍江等處給披甲人為奴可也



曾老三米袋食米一併偷出吳三苟等查知被竊即與羅九萬老三曾清六曾老六等一同追捕羅九萬見賊人挑  
 脏前行担毆其腿賊人棄脏帶担奔跑曾老三尾追賊人  
 轉身用担向毆曾老三格落其担毆傷賊人腦後踣地認  
 係李瞎子拉送官李瞎子滾地辱罵曾清六後棍毆其  
 臂吳三苟以担毆其腿李瞎子因腦後傷重逾時殞命細  
 核案情李瞎子黑夜偷竊被米人甦盆獲事主曾老三追  
 逐將反敢轉身用担向毆是已有拒捕情形曾老三格  
 毆斃命自有毆死竊賊正條乃該撫既已審明李瞎子偷  
 竊屬實又將曾老三依罪人不拒捕而擅殺律擬抵殊與  
 律例未協應令該撫另行妥擬具題到日再議等因奉  
 旨部駁甚是依議

成案新編

卷十四

刑律

六十八

捕亡

解役受財故縱

乾隆二十年刑部會看得瑞金縣解役劉俊受賄縱放絞犯王祥亨脫逃一案據江撫胡疏稱緣劉俊充當瑞邑皂役有民人王祥亨毆傷族弟王啟佳身死經縣審擬絞罪加具肘錄於乾隆十八年正月二十四日僉差劉俊鄧忠管押赴府投審劉俊等以王瑞係本案原差解府解省往返需費於二十五日帶王祥亨詣王瑞家住宿一晚二十六日劉俊留鄧忠等候銀錢自先押帶王祥亨起程二十七日王瑞措給鄧忠錢一千文鄧忠趕至會邑五厘排

成案新編

卷十四

刑律

六十八

捕七

地方任歇因陡患寒疾二十八日病愈沉重捱至謝坊僱轎抬送回縣比王祥亨因身患疥瘡吃飯出恭俱有不便洩劉俊暫開鎖鑰劉俊私行開脫二十九日晚船抵潁城王祥亨又因伊弟王祥亮在府城開張烟店欲往看望許給劉俊錢四千文劉俊貪賄允從將王祥亨帶至王祥亮店內王祥亨卽向王祥亮湊錢三千四百文送給劉俊收受尙欠六百文約於次早補給劉俊因王祥亨生瘡分舖睡臥以該犯現有親屬不加防範酒後將肘錄捲入被窩潛詣後屋與王祥亮商匿後棟房內王



一案奉

祥亮將店門打開仍裝假睡三十日早劉俊醒覺驚見喊  
 同王祥亮分路追趕王祥亮隨亦閃避劉俊恐該犯潛回  
 瑞邑意欲回縣查拿匿不稟報經府訪聞檄行贛縣拿獲  
 劉俊訊供通報嗣瑞金縣緝獲王祥亮移解贛縣訊據供  
 稱伊將王祥亮送至王懷波家帶往與國縣林老五家住  
 宿後不知去向隨緝王懷波到案錄供通報并准與國縣  
 關解林老五到案訊非知情容留訊據劉俊將受賄縱逃  
 王懷波將知情藏匿引送情由各供認不諱查乾隆十八  
 年河南撫臣蔣炳題密縣禁卒陳得魁賄縱申玠等越獄  
 旨三法司核擬具奏禁卒典守監獄乃於斬絞重犯受財故縱  
 此非尋常因事受財者可比自應按照本律與囚同罪但則  
 例又載有擬絞緩決後逃囚得獲審豁之條未免法輕易犯  
 嗣後監犯脫逃該督撫審出禁卒得賄情節即視其所縱囚  
 犯之罪全律科斷如本犯應入秋審情實者亦入情實應絞  
 決者亦擬絞決應斬決以上者亦即擬以斬決著為例并通  
 行傳諭典獄官役知之欽此又查乾隆十八年刑部議覆廣  
 東撫蘇昌題差役陳瑞押解秋審犯人蔡王興受財故縱

一案奉

旨禁卒得賄故縱罪囚律載與囚同罪如所縱之犯應入秋審情實者將該犯亦入于情實前經降旨通飭著爲定例此案差役陳瑞將應入情實之絞犯蔡王興中途賄縱脫逃刑部比照此例將陳瑞擬絞監候並入本年秋審情實奏請行文該省卽行正法所辦甚是但朕詳閱原案該犯得賄故縱事在未奉諭旨之前定例通行尙未知悉其情節似稍可憫陳瑞一犯依擬應絞仍著監候秋後處決若干奉旨後有敢以身試法悍然不顧者卽當遵旨定擬不容稍寬矣并將此通行曉諭知之餘依議欽此欽遵在案今查王祥亨毆傷無服族弟王啟佳身死經瑞金縣問擬絞罪於解府時脫逃雖未經府司院審而查核原案事由鬪毆已無疑義將來拿獲秋審可擬緩決劉俊得賄縱逃殊屬不法將劉俊擬絞監候王懷波等擬以流徒杖責減免等因具題前來除王祥亮病故不議及脫逃兇犯王祥亨緝獲另結外應如該撫所題劉俊合依受財故縱視其所縱囚犯之罪全律科斷例應擬絞監候秋後處決該撫疏稱王懷波既知王祥亨爲逃犯不卽首告反送往林老五家合依知情藏匿罪

成案新編

卷十四

刑律

七

捕七

入不行捕告送令隱匿他所者減罪人罪一等律應杖一百流三千里鄧忠承解重犯不親身押送旋又因病私回雖非通同賄縱實屬玩法合依押解不覺失囚者減囚罪二等律應杖一百徒三年林老五雖不知王祥享爲逃犯但益不詳查來歷暫留住宿合依不應重律杖八十事犯到官均在乾隆二十年六月初七日

息詔以前王懷波所犯流罪應減爲杖一百徒三年鄧忠所犯徒罪應減爲杖一百林老五杖罪應予寬免劉俊所得賄錢照追入官其口許未付錢六百文照例免追等語均應

成案新編

卷十四

刑律

七十一

捕七

如該撫所題完結等因奉

旨劉俊依擬應絞著監候秋後處決餘依議





捕役受財故縱 所縱之犯就獲縱犯之役減等

乾隆二十三年刑部會看得臨川縣賊犯鄧廷輝等夥竊傳周氏家銀錢一案據署江撫阿 疏稱查鄧廷輝起意爲首竊銀三百五十兩將鄧廷輝依律擬絞監候黃四仔等擬以軍流等因具題前來據此應如該署撫所題鄧廷輝合依竊盜贓一百二十兩以上絞律應擬絞監候秋後處決照律刺字該署撫既稱黃四仔黃完仔均係夥竊爲從黃宙六窩頓銀錢復分贓物應照竊盜窩主不造意不行而但分贓者仍爲從論但查黃四仔黃宙六二犯實係

成案新編

卷十四

刑律

七十一

捕亡

積匪猾賊若僅照竊盜滿貫爲從擬流未足蔽辜黃四仔黃宙六俱合依積匪猾賊例應發邊衛充軍黃完仔合依竊盜贓一百二十兩以上爲從減一等律應杖一百流三千里黃宙六雖事犯到官在乾隆二十年六月初七日恩詔以前但係積匪應與

詔後拿獲之黃四仔黃完仔概不准援減李清承差緝賊得受積匪鄧廷輝黃宙六等錢文縱犯不拿雖鄧廷輝等續經全獲而該犯從前叅縱罪無可追查律載應捕人承差追捕罪人受財故縱者與囚之罪最重者同罪又名例內稱

與同罪者至死減一等受財與同罪者全科至死絞又例  
載受財故縱與囚同罪人犯該凌遲斬絞依律罪止擬絞  
者俱要固監緩決候逃囚得獲審豁等語是所縱之犯若  
已就獲自應將故縱之捕役照例減等但李清身充捕役  
叅縱積匪應從重論李清除故縱應絞罪犯鄧廷輝已獲  
照律減等滿流輕罪不議外合照捕役叅竊係積匪猾賊  
三四名者發邊遠充軍例應發邊遠充軍李清雖事犯到  
官在

恩詔以前但係捕役叅縱積匪爲害地方情罪較重不准援減

成案新編

卷十四

刑律

七十二

捕亡

等語軍犯黃四仔黃宙六李清均照奏准新例發往巴里  
坤種地聽候發遣餘均應如該署撫所題完結再該署撫  
疏稱所有抑勒減報滿貫贓數及失察捕役得贓在十兩  
以下職名係前任臨川縣告病回籍知縣鄒尙仁再竊贓  
滿貫例叅承緝此案因前縣鄒尙仁抑勒減報以致承緝  
未叅雖各犯俱已全獲但係六個月限外始據前署縣張  
敬元拿獲所有承緝不力職名係前任臨川縣告病回籍  
知縣鄒尙仁相應開叅等語查定例竊盜不照贓究擬者  
照失出例議處承問失出例內如將應擬斬絞人犯錯擬

軍流等罪者降一級調用又定例被竊案件如贓數滿貫  
限滿不獲罰俸一年又定例衙役犯贓本官失察不及十  
兩者罰俸一年等語應將減報竊賊滿貫贓數之臨川縣  
患病調理知縣鄒尙仁照例于補官日降一級用又限滿  
不獲應照例于補官日罰俸一年又失察捕役犯贓不及  
十兩應照例于補官日再罰俸一年等因奉  
旨鄧廷輝依擬應絞著監候秋後處決餘依議

拿獲隣境兇犯議叙

乾隆二十六年刑部會看得浮梁縣犯僧自如即張應華毆傷僧慧空身死一案據江撫胡 疏稱查已死僧慧空與自如均係僧鴻通之徒當同凡論將自如依律擬絞監候鴻通擬笞等因具題前來據此應如該撫所題自如合依鬪毆殺人者不問手足他物金刃並絞監候律擬絞監候秋後處決再該撫疏稱所有失察鴻通違例招徒二人之地方官係前任浮梁縣已故知縣陳大經再拿獲隣邑兇犯例得議叙所有拿獲兇犯自如一名係湖北黃州府

成案新編

卷十四

刑律

七十五

捕七

廣濟縣武穴鎮巡檢顧洵相應開報聽候部議等語查定例命案兇犯在逃隣邑地方官拿獲一名者紀錄一次等語除失察違例招徒之地方官前任浮梁縣知縣陳大經已經病故毋庸議外應將拿獲隣境兇犯一名之湖北廣濟縣武穴鎮巡檢顧洵照例准其紀錄一次再該撫疏稱僧鴻通即方能查非有玷清規應仍留爲僧僧會司通顯據訊非知情容隱應予免議等語查定例凡應招受生徒之僧道許其招受一人即于伊師原發牒照內註明所招之人呈明該地方官鈐蓋印信等語今僧人鴻通私自違



